


DOMUS A BIDDASPITZIOSA



In s'antigòriu sa vida de sa genti de Biddaspitziosa, e de d-ònnia bidda sarda, fiat meda differenti de sa chi s'agataus a bivi in dì de oi: fiant diversas is domus, is aposentus, de aintrus e de a foras, chi no fiant sceti logus

innui ddoi bivi, ma logus de traballu e produtzioni; differenti fiat sa comunidadi e puru su rolu de s'òmini e de sa fèmina aintrus de sa famiglia.



Sa domu fiat su logu prus de importu po sa vida de unu cristianu. In domu nasciant e moriant; sa domu cuat e teniat a s'aprigu s'intimidadi de sa personi de



su mundu chi abarrat in foras. Difatis, sa domu fiat serrat de murus artus e de portabis mannus. De custu ndi beniat sa bisura totu particolari de is biddas de su Campidanu de giossu: su de tenni is arrugas a oru a

oru serradas de murus artus fintzas duu metrus e cinquanta chi d-ònnia tanti s'oberriant in potabis chi portant a sa pratza. Cussa est s'àtera parti chi cumponit sa domu sarda spitziosesa impari cun sa lolla. Duncas sa domu atinat a

abarrai atesu e aprigada de s'arruga e de su mundu de a foras. A custu donat sceti su muru de a apallas chi no tenit po su prus nimancu fentanas.



Custa bisura de sa domu fiat cumprèndi beni meda de comenti fessit unu logu sacru, de càstiu. Nemus s'atriviàt a intrai in domu allena chena de domandat innatis a su meri o a sa meri.

Ma sa domu fiat puru su logu de su traballu: aintrus e a foras de sa domu s'agatant aposentus e lollas e pratzas chi serbiant po traballai su lori e su trigu e po ddus incungiai, comenti si ddoi agatànt puru is lollas po allogai ainas e arricoverai is bestias, cuaddus e bois po su prus.



Comenti in totus is biddas de su Campidanu de giossu, a Biddaspitziosa puru, is domus fiant fata a làdiri.

Su làdiri fiat fatu de ludu cumassau cun àcua e palla, traballau cun is peis e a s'acabu pinnigau in su sestu po ddi donai sa forma e lassau sciutai a su soli.

A fundamentu si poniant is pedras (e difatis si narat puru su diciu “abarrai po pedra de fundamentus”) de arriu. Custu si fadiat po donai fortza e apoderai mellus su pesu de is murus e po arreservai su làdiri de s'acua e de s'umidadi. Puru su muru chi serràt sa domu e sa pratza fiat de làdiri a fundamentus de pedra.

Sa domu spitziosesa est connota po tenni potabi mannu, pratza e lolla, chi dda naràt puru “stauli” o “stabi”:





S
u
potab
i o
porta
li, fiat
una
eca
mann
a de
linna,
meda

3

bortas pintau e arabescau chi su meri fiat arricu. Su potabi podiat essi a arcuali abasciau o normali a retangulu e teniat issu puru una lollixedda sua chi dda narant “proci” o “prociu”. Su potabi fiat sempri a duas perras cun su porta –perra o potalitu a manu manca castiendi de aintru, comenti si ndi agatant ancora in bidda. De tenni a contu meda est sa crica e sa crai de linna;

sa pratza fiat po su prus ananti de sa domu, a bortas me is domus mannas e arricas sa pratza sighiat puru a pabas, e fiat unu logu mannu e obetu innui tenni ainas e animalis e mancai puru no amancàt mai sa funtana po ndi pigai s'acqua chi serbiat in domu. A bortas sa pratza fiat impedrada e sceti acanta a is


arrecoverus de is animalis si lassat aici comenti fiat chena de dda impedrai;




e Pratzia antistante

Piantina della casa Campidanese con lolla

sa lolla, andat totu a longu cantu andat sa domu, aguantàt de punteddus de pedra, si podiat agatai a craras e serrada a muredda e cun sa crabettura a tèula o fintzas oberta e a crabetura de canna acapiada a sèssini, su cannitzali. Fiat su primu aposentu de intrada. Fiat unu logu de importu ca in sa lolla s'arriciat sa genti, si traballat su lori, si limpiàt su trigu; su logu si prestat beni po si nci ponni a cosiri e po gioca puru, ca fiat a s'aprigu ma no a



s'acorrù. A bortas fiat a pamentu a bortas fiat a arregiola, cussu ndi beniat de sa conditzioni economica de is meris de sa domu. A Biddaspitziosa si connoscient asumancu duas lollas: sa lolla bona e sa lolla de is bois, innui s'acorrat su bestiàmini. Sa domu de Biddaspitziosa dda narant puru domu a lolla, est a nai una domu chi tenint is aposentus genna a lolla e no una domu cun is aposentus in inturu in inturu s'unu cun s'àteru.



SA DOMU E IS FAINAS DE SA VIDA

Passendi-nci de sa lolla s'intràt, a una parti, a sa coxina e, a àtera parti, abarrant is aposentus de crocai. Sa coxina fiat unu aposentu de importu meda chi no si ndi podiat fai de mancu in-d-una domu, ca ddoi fadiant is traballus de d-ònnia dì. Sa mobìlia de sa coxina fiat meda simpli: una mesa manna e caderas, unu




parastàgiu innui allogai pratus e tassas, s'arcojolu po is marigas de s'ollu e de su binu e po allogai su pani po d-ònnia dì e in-d-unu arrenconi sa forreda, po coxinai e po callentai s'aposentu. Sa bovida fiat de canna e teulas, sa cannitzada no dda fadiant meda intipia po sa coxina ca ndi depiat podit bessiri su fumu de sa forreda. Puru chi su logu fiat simplici e giai giai poburu is fèminas arrannesciant a su pròpiu a ddu cuncordai bellixeddu cun su paperi a cabori e mancai cun sa mobìlia pintada de asulinu. A bortas, is prus chi nci teniant, cuncordant a paperi de cabori fintzas is schidonis. Agò a is muru s'apicant crobeteris e pingiadas de arramini.



In coxina s'atòbiat sa familia po papai e in s'ierru a meri, totus aturànt acanta de su fogu po ascutai is contus de is mannus de sa domu. A bortas in coxina si fadiat su pani: si cumassat, si ciuexiat, si spongiat e si lassat puru axedai a s'aprigu de s'aria mala e custu fiat po is chi no teniant sa de domu de farra. Sa coxina fiat su logu de sa vida de su traballu fitianu e de is arrelatas de d-ònnia dì e de is ocasionis nodias, de prexu e de dolu.

Is aposentus de letu no fiant meda comentu in dì de oi chi d-ònni unu tenit su suu, a primu nci fiant po su prus duus aposentus: su mannu po pobiddu e mulleri e s'aposentus po is fillus. Sa mobìlia no fiant meda: una càscia o prus de una chi sa meri fiat arrica innui s'agatat allogau s'arroba bona, sa spulliedda de is pipius e is prendas. Is fentanas abarrant piticas po essi mellus aprigadas de su frius de s'ierru e de sa basca de s'istadi. S'aposentu de crocai fiat su logu prus aprigau de sa domu cuau a is ogus de is su stràngius, sceti is de domu podiant intrai in s'aposentu po agiudai sa patera o sciacuai su pipiu o parai su mortu e ddu prangi.





In sa pratza de is domus
arricas agatant logu is domus po
 arricoverai su bestiàmini e po
 arrimai is ainas: sa domu de palla,
 sa domu de farra, sa domu de is
 ainas, sa lolla de is bois sa domu
 de su cuaddu e sa domu de su
 prucu, totus fiant una afatu de
 s'atera a longu de su muru chi
 serràt sa pratza.

8

Sa domu de palla fiat su logu
 anca incungiai sa palla e
 s'agatat acanta de sa lolla de is
 bois e acanta a sa domu de su
 cuaddu, asuta, po apallai is bois ddoi fiat su lacu e po su cuaddu sa pica. Atesu de



sa domu de sa palla ddoi fadiant **su forru**, chi a bortas s'agatat aintru de sa domu de farra o asumancu a buca aintru de coxina. A chini teniat sa domu de farra ddoi fiat su pani, de sa pruga de su trigu a sa pesada de su pani passendi po su traballu de su cumassu. Aintru de custu aposentu ddoi fiat sa mesa de fai pani e totus is ainas po traballai su trigu e sa farra e po in ndi pesai su pani: sedatzus e sedatzadoris, civeddas chi fadiant parti de su strexu de terra, corbulars, crobis e scatteddus e cestinus invecias fiant fatas de fenu e po cussu ddas narànt strexu de fenu. E a s'acabu corteddus e sa sarreta, s'aina chi serbiat po pintai su pani. Su traballu de su pani si fadiat dònna cida e fiat una cosa de importu meda, fadiosa po is fèminas.

Su prus atesu possibili de sa domu ddoi fiat su **muntronaxu**, su logu anca si fuiànt totus is arrefudus de domu e chi serbiat puru che còmodu dda narànt bassa puru po is cristianus. Acanta sa biga de sa linna chi fiat su tanti po totu s'annu.

Sa domu de is ainas no sceti serbiat a arrimai su chi si imperàt po traballai sa terra e po traballai in s'argiolas, ma fadiat puru che magasinu po incungiai is carradas de su binu.

A fai **su binu** fiat, po is chi teniant bingia, unu àteru traballu fatu de sperientzia, po su prus unu traballu de is òminis: in **su magasinu** ddoi arrimànt totus is ainas chi serbiant: carradas e carradeddas, sa cubidina a doas e circus de ferru, sa prència.